

## II - ARABAKO LURRALDE HISTORIKOAREN TOKI ADMINISTRAZIOA

### LAUDIOKO UDALA

#### **Laudio Udalaren Jokabideari, Gobernu Onari eta Kalitate Institutuzionalarekiko Konpromisoari buruzko Kodea. Behin betiko onespena (Udal Antolamendurako Araudiaren eranskina). (2019/16/S893)**

Laudioko Udalaren Osoko Bilkurak 2019ko abenduaren 4an izandako bileran erabaki zuen "Erakundeen Kalitatearekiko Jokabide, Gobernu Onaren eta Konpromisoaren Kodeari" hasierako onespena ematea. 2019ko abenduaren 16an, jendaurrean jartzeko iragarkia argitaratu zen ALHAOn (144. zenbakia), baita udalaren webgunean, udalaren ediktu-oholean eta hedabide sozialetan ere. Toki Araubidearen Oinarriak arautzen dituen apirilaren 2ko 7/1985 Legearen 49. artikuluan ezarritako epea igaro delarik, eta lege-testu beraren 70,2. artikuluan xedatutakoarekin bat, osorik argitaratzen da testua, eta 65,2. artikuluan adierazitako hamabost egun balioduneko epea igaro ondoren jarriko da indarrean.

Laudio, 2020ko otsailaren 6a

*Alkate-udalburua*

*ANDER AÑIBARRO MAESTRE*

### **LAUDIO UDALAREN JOKABIDE KODEA, GOBERNU ONA ETA KALITATE INSTITUZIONALAREKIKO KONPROMISOA**

#### HITZAURREA

Azken urteotan, herritarrek jardun politikoarekiko nahiz jarduera publiko zein politikoetan dabiltzan pertsonetikiko duten konfiantza orokorki murrizten ari da.

Euskal herritarren eta euren ordezkari instituzionalen jokabidearen ezaugarriak izan dira, oro har, balore eta printzipio jakin batzuk, eta jakina, Laudioko ordezkari politikoak ez dira salbuespena. Balore eta printzipio horien artean daude, besteak beste, erantzukizuna, integritatea eta herritarrentzako zerbitzu publikorako bokazioa, eta beharrezkoa da urte luzeetan izandako jardunbide onak bultzatu eta indartzea.

Kargu hautetsiek udalaren kudeaketan izan duten papera funtsezkoa da sistema demokratikoak funtziona dezan, herritarrengandik gertuen dagoena instituzioa delako, eta, beraz, erantzukizun-senaz, gizarteari zerbitzua emateko borondatez, gardentasunez, eraginkortasunez eta funtzio publikoekiko dedikazioz jokatu behar dute. Karguaren zereginak eta betebeharrak betetzeaz gain, kargua izateak kargudunaren jokabidea moldatzea eskatzen du, esparrua publikoan jarduten ez dutenekin alderatuta zorrotzagoak diren estandar batzuk betetzeko.

Horiek horrela, Laudio Udalak eta bertan diharduten ordezkari politikoek udal politikagintzaren balioa berreskuratzeko ahaleginak berrindartuko dituzte, herritarren konfiantza berreskuratzeko asmoz. Eskakizun publiko zorrotzaren testuinguru horretan, beharrezkoa da Laudioko ekintza politikoetan herritarrekiko konpromisoa berrestea, eta kargudunen balore publikoak, jokabide-estandarrik eta jarrera morala sendotzea eta agerraraztea. Hain zuzen ere, horixe da kode honen xedea, eta horrexegatik ulertu behar da instituzio osoaren proiektu amankomun gisa.

Hortaz, neurri hauek gobernu taldea zein kasuan kasuko oposizio politikoa inplikatzeko dute. Gauzak horrela, Audio Udalaren egitura politikoaren zati diren pertsona guztiei eragiten dieten zenbait printzipio eta erantzukizun jaso dira kodean, baina baita modu banakatuan gobernu taldeko nahiz oposizio politikoko pertsona jakin zehatzei dagozkien zenbait erantzukizun eta konpromiso ere.

Jokabide Kodeak kargu publikodunen eta herritarren artean konfiantza sortzeko tresna izan behar du. Udal arduradunek jarduera publikoarekin engaiatu behar dute, eta Kodeak lagundu behar die eraginkortasunez lan egiten, arau etikoak errespetatzen eta hautesleen agindua betetzen.

EUDELeK tokiko hainbat erakunderen elkarlanaren bitartez 2013an egindako "Tokiko euskal politikaren jokabide kodea, gobernu ona eta kalitate instituzionalarekiko konpromisoa" dokumentua ereduzat hartuta, etika- eta jokabide-kodeen arloko beste jardunbide on batzuk ere jaso dira, baita Audiooko errealitate eta testuinguru zehatzean aplikatzeko beste zenbait alderdi ere.

Halaber, interesgarria da azpimarratzea aurkezten ari garen dokumentu hau elementu dinamiko gisa pentsatu dela, eta, beraz, edukiak aldizka berrikustea dela asmoa, integritate irudia indartzeko eta, horri esker, herritarrek udalarengan duten konfiantza sendotzeko.

Hortaz, kode hau onestearen eta izenpetzearen xedea ez da kontrol politikoa izatea edo elkar deskalifikatzea, baizik eta edukia barneratzea eta Audioaren irudi instituzionala hobetzea, herritarrek konfiantza handiagoa izan dezaten instituzio honetan.

## JOKABIDE-KODEA

### **Jokabide-Kodearen helburuak**

Jokabide Kode honen helburu nagusia da Audio Udalean ordezkari politikoek, udaleko zuzendaritza-organoetako titularrek eta udalaren erakunde instrumentaletako goi zuzendaritzako kontratuetako titularrek bete behar dituzten jokabide-printzipio eta -estandarrak zehaztea.

Tresna bizi eta malgua da, eta, beraz, aldatu, moldatu eta zuzendu daiteke, Etika eta Gobernu Onaren Batzordeak egindako aholku eta proposamenei jarraikiz.

### **Jokabide-kodearen izaera**

Kode honetako arau etiko eta jokabidezkoak Kodearen hartzaileek bete beharko dituzte (Audio Udaleko ordezkari politikoek).

Kode honetan agertzen diren arauak betetzen ez badira, edo behar bezala betetzen ez badira, Etika eta Gobernu Onaren Batzordeak txosten arrazoitu eta zehatza egingo du eta, txosten horretan, eman litezkeen boto partikularrez gain, aztertutako ekintza edo hutsen larritasuna edo ondorio instituzionalak kontuan hartuta, honako neurri hauetakoren bat hartzea proposatuko du:

a) Ezarritako etika- eta jokabide-arau, balio, printzipio eta konpromisoak ez betetzea eragiten duen ekintza edo hutsen bat egin duen pertsona (edo pertsonak) ohartaraztea, urratze horrek interes publikoa arin kaltetzen duen kasuetarako. Pertsona horri jakinarazi behar zaio berriz ere antzeko portaera edo hutsen bat izanez gero, kargua berehala uztea edo karguari uko egitea gomendatuko zaiola.

b) Ezarritako etika- eta jokabide-arau, balio, printzipio eta konpromisoak ez betetzea eragiten duen ekintza edo hutsen bat egin duen pertsonari (edo pertsonari) kargua berehala uztea edo karguari uko egitea gomendatzea, urratze horrek interes publikoa larriki kaltetzen duen kasuetarako.

c) Gertakarien eta Etika eta Gobernu Onaren Batzordeak egindako txostenaren berri ematea eskumena duen organoari, aplikatu behar den legerian zehaztutako moduan, espedientea irekitzeko, bideratzeko eta, hala badagokio, dagokion diziplina-zehapena jartzeko.

d) Ez betetzea eragin duen hutsak edo ekintzak legez kontrakoa izan daitezkeen kasuetan, horren berri ematea Fiskaltzari, Etika eta Gobernu Onaren Batzordearen bitartez.

e) Adieraztea ez dela egon inongo huts-egiterik edo ez-betetzetik, Kode honetan jasotako arauak hobeto betetzeko eman litezkeen gomendioak gorabehera.

#### **Ordezkaritza-kargu publikoen jokabidearen printzipio orokorrak**

– Berdintasuna. Udalaren jardueratik ondorioztatzen diren harreman guztietan, arreta be-  
rezia jarriz gizon eta emakumeen arteko berdintasunari eta inolako arrazoirengatik diskrimi-  
nazioz ezari.

– Integritatea. Integritatez jokatzeko duen zerbitzari publikoaren ezaugarria da zerbitzu pu-  
blikoaren printzipioarekiko eta horrekin bat datozen gainerako printzipioekiko (inpartzialtasuna,  
efikazia, gardentasuna, legaltasuna, etab.) koherentziaz jokatzeko eguneroko.

– Eredugarritasuna. Erakunde herritarrek euren buruari erreparatzeko erabiltzen duten  
“ispilua” denez, zerbitzari publikoek ez dute udalaren irudi instituzionala kalteku eta herritarren  
konfiantza hondatu dezakeen ekintza edo hutsik egin behar.

– Norbere interesik eza. Erabaki politikoak interes publikoaren mesederako hartu behar  
dira. Horrek esan nahi du ezin dela egon hartutako erabakiak erabakitzaileari edo haren senide  
edo lagunei mesede egiten dielako (edo egin diezaiekeen) susmorik, ezta udalerraren interes  
orokorrek ere zerikusirik ez duen beste interes batzuen mesedetan jokatu delako susmorik ere.

– Inpartzialtasuna. Kargudunei eman zaien aginpideak berekin dakartzen betekizunei jarrai-  
kiz erabakiak hartzeko prozesuan inpartzialki jokatu behar da. Jarduera hauetan ezinbestekoa da  
inpartzialtasun zorrotza: langileak izendatzea, kontratu administratiboak egitea, diru-laguntzak  
ematea edo ukatzea, arauak aplikatzea, finantza-baliabideak erabiltzea eta abar. Horretarako,  
interes partikularrez aparte irizpideak aplikatu behar dira.

– Kontuak ematea. Hartutako erabakien eta ekintzen erantzule izan behar du beti. Hortaz,  
erabakiak hartzeko arrazoi objektiboak ezagutzera emango dira, erabaki horien azterketa po-  
litikoa egiteko, eta herritarrek kontsulta egin ahal izateko moduan azalduko dira. Horrez gain,  
ebalatu egingo dira eta, hala badagokio, egindako akatsen ondorioak bere gain hartuko ditu  
kargudun publikoak. Kontu emateak eskatu egiten du, beti eskatu ere, erabaki okerren bat  
hartzearen ondoriozko erantzukizun politikoak edo kudeaketa-erantzunak nork bere gain hartzea.

– Gardentasuna. Erabakiak hartzerakoan eta jarduerak gauzatzekoan argi eta garbi eta  
gardentasunez jokatu behar du: erabakiak hartzeko prozedura eta arrazoiei buruzko informazio  
fidagarri eta osoa eman behar du; halaber, erabaki horien finantza-kosten berri eman behar du,  
legeetan kontrarik ez bada xedatu behintzat. Garder jokatzeko Gobernu Irekiaren (kristalezko  
goburuaren) aldeko apustu sendoa egitea eskatzen du, batik bat altxortegi publikoetan eta  
herritarrek ordaintzen dituzten zergetan eragin ekonomiko eta finantzarioak dituzten erabakiei  
dagokienez. Garder jokatzeko eskatzen du, orobat, administrazio-hizkera erraztea, informazioa  
herritarrek ulertzeko moduan ematea eta informazio hori behar bezala eskura jartzea.

– Zintzotasuna. Zintzo jokatu behar da eta, horretarako, ezinbestekoa da funtzio publikoak  
gauzatzea oztopatu dezaketen interes pribatuak ezagutzera ematea eta gerta daitezkeen inte-  
res-gatazkak konpontzeko pausoak ematea. Hortaz, nahitaezkoa da Zuzenbideari men egitea,  
prozeduren edukari eta asmoari jarraitzea, ekonomia eta finantzak efizienteki kudeatzea, jokabi-  
de-kode hau betetzea eta Udaleko ordezkari-kargu publikodun edo zuzendaritzako langileen  
interes-gatazkak ezagutzera ematea, nork bereak barne.

– Errespetua. Herritarrak, langile publikoak eta gainerako ordezkariak behar bezalako erres-  
petuz tratatu behar ditu, une eta leku guztietan. Beraz, ez da mespretxuzko hitzik erabiliko,  
gainerako eskubideak zainduko dira, ez da inolako diskriminatuko, jendea adeitasunez tratatuko  
da eta, tokiko erabakiak hartzeko prozesuetan, pertsona bakoitzaren zereginak aintzatetsiko dira.  
Adeitsuki tratatu behar dira ordezkari politikoak, zuzendaritzako eta bestelako langile guztiak,  
hornitzaileak eta herritarrak.

– Erakundearteko koordinazioa. Sinergiak eta lankidetzak aprobetxatzea eta bikoiztasunak, gainjartzeak eta kontraesanezko jarduerak saihestea.

– Hurbiltasuna eta kudeaketa ona. Pertsoneri, kolektiboari eta lurraldeari egokitutako udal-jarduerak, betiere egungo belaunaldiekiko eta etorkizuneko belaunaldiekiko errespetu osoz, ondare publikoa babestuz eta zainduz.

#### **Laudio Udaleko kargu publikoek bete behar dituzten jokabide estandarrak**

Jokabide-estandarrak jarduera-printzipioak dira. Jarduera-printzipioen multzo horretan sartzen dira, halaber, ordezkari-tz-kargu publikodunek eta zuzendaritzako langileek dituzten zeregin eta betekizun batzuk. Zeregin eta betekizun horien helburua da funtzio horiek udalaren egituraren duten paper instituzionala indartzea, herritarren aurrean betetzen direla ziurtatze aldera.

Hona hemen, zehatz-mehatz, bete behar dituzten jokabide-estandarrak:

Betebehar orokorrak:

- Agintaldiaren hasieran bateraezintasunen eta jardueren adierazpena eta ondare-ondasunen adierazpena egitea. Agintaldiak irauten duen bitartean, ondare-aldaketan berri eman behar dute, eta, kasu guztietan, bateraezintasunen eta jardueren adierazpen berria egingo dute agintaldiaren amaieran.

- Egoerak eskatzen duen errespetuaz eta adeitasunaz tratatuko dira pertsona guztiak une eta leku guztietan.

- Ez dira faltsutuko curriculum profesionaleko daturik, ezta titulazioei, esperientziari edota ondasunei buruzko daturik ere, eta ez da horren inguruko gezurrik esango erakundeari eta herritarrei begirunea zor zaielako.

- Hirugarrenei informazio konfidentzialik edo daukan karguagatik jasotako informaziorik ez ematea, eta informazio hori gordetzea. Zeregin hori gardentasun-printzipioarekin uztartu behar da. Betebehar hori gardentasun-printzipioarekin uztartu behar da.

- Ez da herritarren aurrean udalaren irudia kaltetzeko moduan jokatu, ezta instituzioaren ospe ona zikintzeko moduan ere.

- Ez da inolaz ere maila instituzionala beste pertsona edo erakunde baten mesederako edo kalterako erabiliko, ezta norbere mesederako edo kalterako ere, ez bada legez onartutako diskriminazio positiboko kasuetan.

- Kargudunen zereginak beste pertsona batzuek betetzen dituztenean, pertsona horiek beren mesederako edo hirugarrenen mesederako edo kalterako erabil ez ditzaten zainduko da.

- Dagozkien zereginak betetzen ari direnean, kargudunek neurririk ez hartzea kargua utzi ondoren abantaila profesionalen bat lortzeko.

- Erabaki politiko eta administratiboak hartzerakoan, erabaki horiek justifikatzen dituzten arrazoi objektiboak ematea.

- Erabakiak hartzeko prozesuan aintzat hartzea, batetik, gai horretan bete behar den legeria; eta bestetik, erabaki zentzuzko eta eraginkorra hartzen lagun diezaieketen eta erabaki hori justifikatzen duten iritzi, aholku, txosten eta azterlan guztiak.

- Legez kontrako jardueraren baten berri izanez gero, eskumena duten organoak jakinaren gainean jartzea.

Erantzukizun publikoak betetzea:

- Zereginak arduraz, zerbitzu publikoa eskaintzeko borondatez eta gardentasunez betetzea, hartutako erabakien erantzule izatea eta printzipio horien kontrako jarrerarik ez izatea.

- Faboritismoa inplikatzeko duen edo herritarrei norbaiten aldeko tratua mesedegarria aplikatu dela susmarazi diezaikekeen edozein praktika ekiditea.
- Karguari edo lanpostuari dagozkion eskumenak ez baliatzea zuzenean edo zeharka norberaren interes pribatuaren edo beste pertsona edo talde batzuen interes espezifikoaren alde egiteko edo abantaila pertsonal edo materialak lortzeko.
- Norbere interesa eta interes publikoa bat ez badatoz, bozketa eta erabakietan jakinaraztea; eta, interes pertsonal zuzen edo zeharkakoren bat izanez gero, bozketa eta ekintzetan ez parte hartzea.
- Baliabide publikoak babestea, egoki zaintzea eta eraginkortasunez kudeatzea, eta ondasun publikoak interes pribatuarentzat ez erabiltzea.
- Herritarrei nahiz erakunde edo organizazio desberdinei tratua berdina eta inongo arrazoiren ondoriozko diskriminaziorik gabekoa ematen zaiela bermatzea. Diskriminazioak baztertu dituzte jaiotza, arraza, sexu, sexu-orientazio eta genero-identitateagatik (LGTBIQ kolektiboa), erlijioagatik edo faktore sozial, moral, ekonomiko, ideologiko eta politikoengatik.
- Ekitatea eta berdintasuna sustatuko da eta hori betetzeko oztoko guztiak kenduko dituzte.
- Indarrean dagoen legeriari jarraikiz eskuratutako botereak dagozkien helburuarekin erabiltzea eta interes publikoa edo erakundearen ondarea arriskuan jar ditzaketen jarduerak eragozteko.
- Oro har, jarduera publikoari eta dagozkien erantzukizunei dagokienez, arau eta ohitura sozialak errespetatuko dira.

#### Interes-gatazkak:

Interes-gatazkak sortzen dira interes publiko batek edo batzuk eta beste interes pribatu edo publiko batzuk elkar oztokatzen dutenean. Horrelakoetan, arriskuan jartzen da (edo arriskuan jartzen dela dirudi) zeregin publiko nagusia independentea, objektiboa eta inpartziala izatea (Jospin Batzordearen definizioa, 2012).

- Edozein interes-gatazka ekidin behar da; interes gatazka dagoela iritziko zaio baldin eta erabakiak hartzeko prozesu batean edozein pertsonak uler dezakeenean betebeharrak publikoak betetzea eragozten edo zailtzen duten interes pribatuaren eraginak daudela.
- Ez dira eskumen edo pribilegio instituzionalak erabiliko hertsiki udalarenak ez diren interesei jarraikiz hirugarren pertsonen dagozkien prozedurak arintzeko, zigorrak kentzeko edo inolako mesederik egiteko. Halaber, ez dira eskumen edota pribilegio horiek kalteak eragiteko. Kargudunek ez dute eman zaien botereaz edota autoritateaz abusatu.
- Era berean, ez egitea zuzenean edo zeharka udalaren interes publikoen kontrakoak diren edo ordezkaritza- edo zuzendaritza-kargu publikodunaren jarduera publikoa zuzenean edo zeharka zailtzen jar dezaketen negozioren.
- Kargu publikodunek beren zeregin eta erantzukizunen kontrako interes gatazkaren bat antzematen badute, balizkoa izanda ere, ezagutzera eman behar dute berehala; hau da, adierazi behar dute, ahal izanez gero idatziz, interes-gatazka hori zein den edo, gutxienez, interes-gatazkaren bat sortu den susmoa dutela. Edonola ere, interes-gatazkaren bat sortzen bada edo sortu daitekeen susmoa badago, erakundearen ospea zaintzeko kautelazko neurri hau hartu behar dute: interes-gatazkaren bat dagoen susmoa edukiz gero, erabakiak hartzeko prozesuetan ez parte hartzea.
- Alderdi politikoaren zuzendaritza-organoren betearazleetan karguren bat izateak ez du eragotziko dagozkion zereginak betetzea.

Opariak eta onura potentzialak:

- Ordezkaritza-kargu publikodunek ez dituzte haien karguak direla-eta pertsona edota erakundeek egin nahi dizkieten opari eta zerbitzuak onartuko, alde batera utzita gizarte-ohiturengatik eta adeitasunagatik egiten direnak. Aipatu ohitura horiez gaindiko opariak erakundearen ondarean sartuko dira. Betiere, aipatu kargudunek haien erabaki politiko, publiko edo administrati-boetan eragina izan dezaketen dohaintza, opari eta zerbitzuak ez dituzte onartuko.

- Ez da onartuko gizarte-ohitura eta adeitasunaz gaindiko sarrera, txartel, loteria-zenbaki edota beste edozein mesede zuzen edo zeharkakorik, ezta dagozkien erantzukizunei jarraikiz har ditzaketen erabakiak baldintzatu ditzaketen antzeko oparirik ere.

- Halaber, gertuko senideek opari edo mesederik jasotzen ez dutela ziurtatze aldera, zentzuzko neurriak hartu behar dituzte, pertsona edo erakundeek mesede-tratua jasotzen duten susmorik sor ez dadin.

Tokiko ordezkari-tza-kargu publikodunen harremana beste kargu edo langile publikoekin nahiz herritarrekin:

- Udal-gobernuko kide izan ala ez, talde politikoetako kideak errespetuz eta behar den begirune instituzionalarekin tratatzea; horrek ez du esan nahi beste taldeen jarduera edo proposamenen kontrako kritika politikoa egiteko hizkera edo tonua aldatu behar direnik.

- Tokiko langile politikoen arteko harremanetan, ezinbestekoak dira heziera ona eta begirunea.

- Udaleko langile publikoak errespetuz eta arretaz tratatzea, bereziki dagokien jarduera-arlo edo atalekoak. Horrek esan nahi du errespetu eta begirune hori kaltetu dezaketen jokabiderik ez izatea. Legezko neurri egokiak hartuko dituzte langileentzat larderiazkoa, umiliagarria edo iraingarria den ingurunea sortzen duten eta euren duintasunaren eta ohore, intimitate, osotasun fisiko eta moralerako eta diskriminatua (laneko jazarpena edo mobbinga, sexu-jazarpena eta jazarpena sexu-arrazoiengatik) ez izateko eskubidearen auka doazen jokaerekin edo jokabideekin amaitzeko.

- Herritarrak zuzentasun gorenaz eta adeitasunez tratatzea eta proposamenak, iradokizunak eta kexak arretaz entzutea.

Gardentasuna: informazioa eskuratzea:

- Erakundeko jarduera publiko eta kudeaketa-jarduera guztietan gardentasunaren printzipioa aplikatzea, ez bada legeak konfidentzialtasuna eskatzen duen kasuetan edo hirugarrenen eskubideak kaltetu daitezkeen kasuetan. Edonola ere, salbuespen horiek era murriztailean interpretatuko dira.

- Publizitate aktiboaren printzipioa betetzea, erakundeetan gardentasuna ziurtatzeko.

- Informazio publikoa herritarren eta erakundeen eskura jartzea sustatuko da modu eraginkorrean, legez ezarritako mugak aintzat hartuta.

- Informazio-eskariak erantzun bizkor, egoki eta arrazoituak jasotzen dituztela ziurtatzea.

- Gobernu irekia ezartzearen eta udal-administrazioaren eta administrazio elektronikoaren informazioa berriz erabiltzearen alde egitea.

- Herritarrek parte hartzeko bideak sustatzea, batik bat informazio-teknologia berriak.

- Administrazioa harbera eta sinplea izateko eta hizkera erraz eta ulergarria erabiltzeko lan egitea.

- Zereginak betetzerakoan datu pertsonalak zaintzea uneoro, kasuan kasuko araudian xedatutakoarekin bat.

## GOBERNU ONAREN PRINTZPIOAK

Udal-administrazioak orain azalduko ditugun printzipioen arabera gauzatuko du politika-, gobernu-eta administrazio-jarduera, erakundea printzipio horiei jarraikiz kudeatzeko. Printzipio horiek, beraz, etengabeko hobekuntzarako helburutzat hartuko dira.

**Gobernu onaren printzipioak tokiko ordezkaritza-kargu publikodunen jardueran**

- Indarrean dagoen sistema juridikoa errespetatzea eta herritarren oinarrizko eskubideak betetzen direla ziurtatzea.
- Nazioartean aintzatetsitako giza eskubideak errespetatzen eta babesten direla zaintzea, baita pertsona guztien oinarrizko eskubideak, askatasun publikoak eta estatutuzko eskubideak babesten direla ere.
- Herritarrek gai publikoetan eta erabaki publikoak hartzeko udal-prozesuetan parte har dezaten sustatzea.
- Erabakiak hartzeko prozesuetan gardentasunez jokatzeko eta herritarrei behar duten informazio guztia ematea, erraz eskuratzeko eta ulertzeko moduan.
- Herritarren premiei bizkor erantzutea eta dauzkaten arazoak eta egiten dituzten eskariak denbora egokian ebatzea.
- Politikarien, gizartearen eta herritarren arteko adostasunaren alde egitea, gizartearen interes desberdinen artean bitartekari-lanak eginez, eta gizarte-agenteei arreta berezia jartzea, bereziki gizarte-egoera ahulenean daudenei.
- Antolamendu-egituren eta prozeduren antolaketa berritzea eta modernizatzea sustatzea.
- Udal-gobernantza adimentsu eta iraunkorraren alde egitea.
- Emakumeen eta gizonen arteko berdintasuna, gizarte-kohesioa eta pertsona guztien arteko parekotasuna sustatzea, eta aniztasuna eta elkarbizitza egoki kudeatzea.
- Ingurumenaren babesa eta klima-aldaketaren kontrako eta biodibertsitatearen aldeko borroka bultzatzea.
- Baliabide publikoak modu eraginkor eta zentzuzkoan kudeatzea, baliabideak ez suntsitzea, justifikatu gabeko gasturik ez egitea eta zorpetzea eramangarria izan dadin lortzea.
- Erabaki politiko eta administratibo guztien erantzule izatea, bereziki kudeaketan dituen emaitzena.
- Udalak antolatutako ekitaldi kulturalen, aisialdikoaren eta kirolekoen neutraltasun instituzionala bermatzea.
- Zerbitzu eta atalen zereginei, era batean edo bestean jarduteko arazoiei eta funtzionamenduari buruzko informazio-eskariei prestasunez erantzutea.
- Audioar izatearen sentimendua bultzatuko da herritarren artean, eta nabarmendu egingo da baliabide publikoak errespetatzeak eta arduraz eta modu eramangarrian erabiltzeak duen garrantzia.

**Gobernu onaren printzipioak tokiko ordezkaritza-kargu publikodunen jardueran prestazio eta baliabide publikoen kudeaketari dagokionez**

- Jasangarritasuna. Gizarte-, ekonomia- eta ingurumen-lehentasunak egoki orekatzea eta, horretarako, herritar guztiek parte har dezaten sustatzea. Hirigintza-plangintzako erabakietan hiri-ingurune jasangarri eta adimentsuen alde egitea, betiere herritarren premiak aintzat hartuta. Jasangarritasunari ez da soilik ingurumenari dagokionez aplikatuko; baliabide guztiei aplikatuko zaie, ekonomia- eta finantza-bitartekoei barne.

- Deszentralizazioa. Udal-gobernuak bere kasa antolatzeke duen ahalmena sustatzea eta, alde horretatik, herritarrek parte hartzeke organo, egitura eta bideak mantentzea, sortzea eta berritzea bultzatzea. Hori, lurralde-deszentralizazioaren printzipioan aurrera egiteke, errazagoa izan dadin erabakiak hartzea, baliabideak egokitzea eta zerbitzu publikoak ematea. Era horretan, partaidetza-sarea zabaldu egingo da eta kalitate hobea izango du.

- Ekitatea. Politikak eta zerbitzuen prestazioa ekitate-printzipioan oinarritzea, bai xede publikoari dagokionez, baita zerbitzuen prezio publiko edo tasei dagokienez ere. Gizarte-egoera ahulean dauden kolektibo jakin batzuei pizgarriak ematea.

- Berdintasuna. Ez da inor diskriminatuko generoa, arraza, sexu-orientazioa, erlijioa, ideologia politikoa, nazionalitatea, jatorri soziala, ezintasuna edo beste gorabehera pertsonal edo soziala dela eta. Emakumeen eta gizonen arteko berdintasun eraginkor eta benetakoa ziurtatzea, printzipio hauek oinarri hartuta: tratu-berdintasuna, aukera-berdintasuna, aniztasuna eta desberdintasuna errespetatzea, genero-ikuspegia integratzea, ekintza positiboak gauzatzea, sexuaren araberrako rol eta estereotipoak deuseztatzea, ordezkariak orekatua, koordinazioa eta elkarlana.

- Efizientzia. Zerbitzuen kudeaketari eta prestazioari, gastu publikoari eta, oro har, baliabideen kudeaketari dagokienez efizientzia-irizpideak aplikatzea. Horretarako, zerbitzuen kostua jakin behar da eta helburu nahiz kudeaketa-adierazle argiak ezarri behar dira, zerbitzuen kostua zenbatetsi ahal izateke.

- Gardentasuna eta kontuak ematea. Hala erabakiak hartzeke prozesuetan, nola beste edozein prozesu administratibotan nahiz tokiko botereen jardunean, gardentasun-printzipioa gailenduko da, publikitate aktiboaren printzipio gisa eta herritarrek informazio publikoa eskuratzeko bide gisa ulertuta, legean xedatutako murrizketa minimoekin.

- Herritarrekiko konpromisoa, bertoko hizkuntza, kultura eta dibertsitatea defendatzea. Udalean eta udalerriko gizarte-harremanetan euskara erabiltzea; betiere, herritarrek udal-administrazioarekin harremanak izateke hizkuntza ofizial bat edo bestea aukeratzeko duten eskubidea urratu gabe. Euskal kulturaren adierazpen guztiak sustatzea. Honako hauek bultzatzea: dibertsitatearen kultura, herritarren erantzukizunak, errespetuaren kultura, gatazkak konpontzeke aukerako baliabideak eta bitartekaritza eta gizarte-egoera ahulean dauden kolektibo edo taldeen (gazte, adindu, etorkin, langabe eta abarren) partaidetza tokiko jardueretan, Udaltzak erabakiak hartzeke prozesuetan haien interes, iritzi eta ikuspegiak egoki baloratzeko aukera izate aldera.

- Segurtasuna eta babes zibila. Herritarrek arrisku naturalak eta krisi-egoeren kudeaketa go-goan har ditzaten sustatuko da eta herritarrek, batez ere haurrak, giro seguru eta osasungarrian bizi direla ziurtatzea. Udalerrikoa izatearen sentimendua sustatuko da, herritarren elkarbizitza garatzeko eta herritarrek espazio publikoan eta gainerakoekiko harremanetan dituzten eginkizun eta ardurak beren gain hartzeke politiken bitartez. Horrez gain, segurtasuna herritarren erosotasuna, lasaitasuna eta osasuna hobetzen duten gai guztietara zabalduko da (kaleak eta plazak zaintzea, ura eta hondakinak tratatzea, elikagaiak kontrolatzea eta abar).

- Lankidetzak. Audioko herritarrekin, eragile sozialekin, eragile ekonomikoekin, parte hartzeke organoekin, beste erakunde publikoekin eta gainerako eragileekin lankidetzan aritzeke konpromisoa Audio Udalaren berezko lanei dagokienez.

- Leialtasun instituzionala. Gainerako administrazioen eskumenen zilegizko erabilera eta administrazio horien ordezkariak errespetatuz jardungo da, inplikaturako interes publiko guztiak errespetatuz.

- Etengabeko hobekuntza, berrikuntza eta modernizazioa. Etengabe hobetzeko ahalegina egingo da uneoro, herritarrek erabaki publikoei eta zerbitzu publikoen prestazioari dagokienez dituzten beharrianak asetzeke. Horiek horrela, hausnarketa etengabea egingo da zerbitzu publikoen inguruan, guztien ongia maximizatzeke eta, horrela, zerbitzu publikoen prestazioan zein prestazio-kanaletan berritzeke. Ildo horretatik, sustatu egingo da herritarrek baliabide elektronikoak erabiltzea udalarekiko harremanetan, eta, beraz, baliabide publikoak bideratuko dira informazioaren eta ezagutzaren teknologien erabilpena.



**Tokiko ordezkaritza-kargu publikoaren gobernu onaren printzipioak, gastuei dagokienez**

Alkate-udalburuak gastu-partida propioa izango du ordezkaritza- eta protokolorako, baldin eta udalak protokolo-gastuak aurreikusten baditu.

- Funtzio horien ondoriozko gastuak udalarekin harreman zuzena dutenak baino ez dira izango. Alkate-udalburuak erantzukizunez eta proportzionaltasunez kudeatuko du partida, eta ez dira inola ere onartuko helburu pertsonalek eta interes alderdikoiek eragindako gastuak.
- Alkate-udalburuak ordezkaritza- eta protokolo-gastuengatik egindako ordainketen berri emango du, ohiko bitartekoen eta horretarako lege ezarritako bideen bidez.
- Zinegotziek kargua betetzean izandako gastuak kobratu ahal izango dituzte. Horretarako, beharrezkoa izango da organo kontu-hartzaileari frogagiriak eta beharrezkoak diren gainerako agiriak aurkeztea.

**ORDEZKARI POLITIKOEN ERANTZUKIZUNAK ETA KONPROMISOAK LAUDIOKO UDALAN KALITATE INSTITUZIONALEKO POLITIKA GARATZEKO****Laudio Udaleko gobernu-taldeko kideen konpromiso eta erantzukizunak**

Laudioko alkatearen eta haren gobernu-taldearen zeregin instituzionala da udalerriko gobernu eta erakundearen zuzendaritza politikoa arduraz gauzatzea, erakundearekin leial jokatzeko eta, dagozkion eskumen-alorren eta dauzkan baliabideen arabera, herritarren ongizatea sustatzea.

Horretarako, gobernu-taldeko kideek konpromiso eta erantzukizun hauek hartu behar dituzte beren gain:

- Erakundea duintasunez ordezkatzeko: Alkate-udalburuaren eta haren gobernu-taldearen zeregin instituzionala da udalerriko gobernu eta erakundearen zuzendaritza politikoa arduraz gauzatzea, erakundearekin leial jokatzeko eta, dagozkion eskumen-alorren eta dauzkan baliabideen arabera, herritarren ongizatea sustatzea. Zuzentasun Politikorako Europako Jokabide Kodean jasotakoaren arabera, herritar guztien aurrean erantzule dira, baita haien aldeko botoa eman ez dutenen aurrean ere. Zilegitasun demokratikoaren ondorioz dira ordezkari instituzionalak eta tokiko agintariak. Horrek esan nahi du karguari dagozkion jardueretan eta harreman publiko eta pribatuetan zuzentasunez eta beren burua kontrolatuz aritu behar dutela, betiere norberaren bizimoduaren eta irudiaren arabera.
- Eraginkorki komunikatzea eta herritarrei aktiboki entzutea. Udal-gobernuen tokiko politikak kalitatezkoak dira, neurri handi batean, eraginkorki komunikatzeko ahalmena badute. Gobernu-taldeko kideek eskura dituzten baliabide guztiak erabiliko dituzte (idatzizko eta ikus-entzunezko komunikazio-euskarriak, teknologia berriak, gizarte-sareak...) herritarrekin komunikatzeko eta herritarrei jakinarazteko, modu ulergarrian, zer erabaki hartu dituzten eta zergatik. Halaber, herritarren kezka, iradokizun eta kezak arretaz entzungo dituzte; dena den, hala badagokie, eskariak baztertuko dituzte, arrazoiak emanez.
- Gainerako talde politikoei behar duten informazioa ematea. Gobernu-taldeak behar duten informazioa emango diete gainerako talde politikoei, gobernu kontrolatzeko lana egin ahal dezaten. Oposizioaren lanetarako nahitaezkoa den informazioa izango da hori, betiere, indarrean dagoen araudiari jarraikiz eta informazio hori emateak ez baldin badakar inongo arriskurik zerbitzu publikoak emateari edo udalaren ohiko funtzionamenduari dagokionez.
- Politikak sortzea eta helburu estrategikoak zehaztea. Gobernu-taldeak konpromisoa hartu du herritarren mesederako udal-politika koherente eta iraunkorra bideratze aldera beharrezkoak diren helburu estrategikoak zehazteko. Politika hori agintaldiko planen edo gobernu-planen arabera bideratuko da. Udal-politikaren ardatz horiek inguruneari egokitu zaizkio. Nolanahi ere, udal politikaren ardatz horiek ingurune aldakorren arabera izango dira.

- Politikak lehenestea eta erabakiak hartzea. Tokiko politikaren funtsa lehentasun politikoak zehaztea da. Gobernu-taldeko kideek arduraz jokatu dute udal-finantzen iraunkortasuna arriskuan dagoenean, eta, horretarako, Audio herriarentzako eta herritarrentzako garrantzitsuenak diren politikak lehenetsiko dituzte (bereziki gizarte-egoera ahulean daudenentzako funtsezkoak direnak), gizarte- eta hiri-iraunkortasuna oinarritzat hartuta eta behar denean erabaki konplexuak hartuz.

- Emaitzen edo helburuen arabera lan egitea. Udalaren politika arrazionalizatzeko, ezinbestekoa da emaitzen edo helburuen arabera lan egitea, onetsitako gobernu- edo agintaldi-planei jarraikiz.

- Arazoak eta gatazkak ebaztea. Gobernu-taldea osatzen duten kideek komunitateko gatazka eta arazo politikoak konponduko dituzte edo zentzeko konponbideak bilatzen saiatuko dira, udal eskumenen barruan badaude eta erabaki politikoen menpekoak badira; politikoak ez diren gatazka eta arazoak Udaleko zuzendaritza- edo funtzionariotza-egiturek konponduko dituzte.

- Behar denean, eskuordetzea. Alkate-udalburuak eta gobernu-taldeko kideek konpromisoa hartu dute garrantzi gutxiko gaiak eskuordetzeko, kasuan kasuko erakundearen eraginkortasuna hobetzeko eta herritarrei zerbitzu hobekak eskaintzeko. Hala eta guztiz ere, ondo aztertuko da zer pertsonari eskuordetzen zaion, eskuordetza hartzen duenak beharrezko eskumenak izan behar dituelako eskuordetutako zereginak bete hala izateko, eta, horrela, herritarren interesak babestu eta euren itxaropen edota interesak ez zapuzteko.

- Adostasuna bilatzea. Agintaldian, talde politiko guztiekin helburuak ahal bezainbeste adosten saiatuko da gobernu-taldea, herritarren mesederako eta, bereziki, udalerrirako estrategikoak diren akordioei dagokienez.

- Arduraz negoziatzea. Gobernu-taldeko kideek konpromisoa hartu dute kolektiboekin, gainerako talde politikoekin eta erakundeekin negoziatzen dutenean, interes kolektiboen, gizarte- eta herri-jasangarritasunaren eta udal-finantza publikoen alde egiteko; izan ere, hurrengo belaunaldiari hipotekak ezartzea edo udalerria neurrigabe zorpetzea ez da arduratsua. Negoziazio-prozesu orotan, ezezkoa emango da behar izanez gero. Alde horretatik, ezezkoak zentzuzko arrazoi bidez justifikatuko dira, ahal izanez gero, datu objektiboekin, eta, beraz, "ezezko positibo" justifikatu eta arduratsuak emango dira.

- Baliabide urriei dagokienez lehentasunak ezartzea. Gobernu taldeak konpromisoa hartu du Audioko baliabide publikoak arduraz eta eraginkortasun- eta ekonomia-irizpideen arabera kudeatzeko. Horretarako, nahitaezkoa da udal-aurrekontu errealista eta doituak egitea, gastuari eusteko eta zerbitzuen kostua kontrolatzeko politikak ezartzea eta udal-politikekin bat datorren aurrekontua egitea. Era horretan, baliabide publikoak gaizki kudeatuz gero, herritarrek ez dute zerga-zigorrik jasoko.

- Udal politika publikoak ebaluatzea eta ikuskatzea. Alkate-udalburuak eta gobernu-taldeko kideek haien ardurapeko zerbitzu eta politikak etengabe ebaluatu eta ikuskatuko dituzte, aurreikusitako helburu eta kostuak desbidera ez daitezen eta desdoitzeek herritarrei kalte egin ez diezaieten. Eginkizun horiek teknikari-taldean edo aholkulari teknikoekin laguntzarekin gauzatu dituzte.

- Sareak egituratzea eta gobernu irekia bultzatzea. Gobernu-taldeko kideek konpromisoa hartu dute Gardentasunaren eta Gobernu Irekiaren politika garatzeko eta sareak sortzea sustatuko dute. Sare horietan, informazioa trukatzu eta sinergiak sortu, tokiko gobernuak garatzea bultzatuko dute, konponbideak partekatuko dituzte eta zerbitzuen prestazioan kostuak gutxituko dituzte. Gobernu-taldeak, halaber, tokiko gobernantza adimentsua bultzatuko du, herritarren partaidetza-, hurbiltasun- eta deliberazio-formulen bitartez, herritarrek erakundeengan duten konfiantza indartzeko.

- Gobernu-taldean edo zuzendaritza- edo funtzionariotza-taldean aitzindari izatea. Alkate-udalburuak, bereziki, eta gobernu-taldea osatzen duten kideek, oro har, konpromisoa hartu dute limurtzean eta eredu-garritasunean oinarritutako lidergoa sustatzeko. Hori, profesionaltasuna garatzeko, proiektuetan lan egiten duten zuzendaritza-taldeak eta langileak batzeko eta langileen oreka eta garapen emozionala sustatzeko. Behar bezala bideratutako aitzindaritza erabiliko da herritarrei zerbitzu publiko hobekak eskaintzeko

**Udal gobernuan ez dauden talde politikoetako kideen konpromiso eta erantzukizunak**

Laudio Udaleko gobernu taldean ez dauden talde politikoetako kideek gobernu-taldearen oposizioan arduraz eta modu konstruktiboan aritzeko eginkizun instituzionala dute. Lan horretan erakundearekin leial jokatu behar dute eta, dagozkien eskumenak eta udalak haien eskura jarritako bitartekoak baliatuz, herritarren ongizatea izan behar dute helburu.

Oposizioaren zeregin instituzionalak eskatzen du gobernu-taldearen jarduera politikoki kontrolatzea eta herritarrei proposamen bideragarri eta eramangarriak egitea, gobernuaren benetako aukera bihurtzeko.

Horretarako, gobernu-taldeko kideek konpromiso eta erantzukizun hauek hartu behar dituzte herritarren aurrean:

- Erakundea duintasunez ordezkatzeta: Parte hartzen duten ekitaldi, ospakizun eta jarduera instituzionaletan erakundea duintasunez ordezkatzeta. Izan ere, ordezkari instituzionalak dira hautetsontzien bidez legitimitate demokratikoa lortu dutelako. Halaber, zeregin publikoetan zuzentasunez eta beren burua kontrolatuz arituko dira, betiere norberaren bizimoduaren eta irudiaren arabera. Audio Udaleko gehiengoarekin eta gobernu-taldearekin dituzten harreman politiko eta instituzionaletan zuzentasun instituzionala gailenduko da.

- Herritarren eskariak eraginkorki bideratzea eta komunikatzea eta herritarrek esaten dutena arretaz entzutea. Konpromisoa hartu dute herritarren eskariak arduraz bideratzeko, udal-gobernuak aztertu eta, hala badagokie, onartu ditzan. Horretarako, herritarrekin modu eraginkorrean komunikatuko dira eta haien kezka, iradokizun eta kezak arretaz eta aktiboki entzungo dituzte. Halaber, konpromisoa hartu da zentzuzko justifikaziorik ez duen edota udalari edo herritarrei dakartzkien kostu handien ondorioz betetzeko ezinezkoak izan daitekeen eskaerarik ez egiteko.

- Gobernu taldearen zerbitzura jartzea udalerriko proiektu estrategikoak definitu eta garatzeko. Konpromisoa hartu da gobernu taldearen zerbitzura jartzeko etorkizuneko Audio irudikatze helburu eta proiektu estrategikoak definitzeko lankidetzan aritzeko, aktiboki eta positiboki. Horien bidez, udal politika koherente eta jasangarria egiteko aukera egongo da, herritarren mesederako.

- Politikei lehenetsiak ezartzea udal finantza publikoek udalak eskaintzen duen zerbitzu-zorroko arlo guztietan esku hartzeko aukera ematen ez dutenean. Konpromisoa hartu da gobernu-taldea kontrolatzeko eta proposamenak egiteko zeregina betetzeko, batez ere, udal finantza publikoak kontuan hartuta. Ildo horretatik, udal finantza publikoen egoeraren eta taldearen programa politikoaren arabera, herritarren premiei erantzuteko garrantzitsuenak lehenetsiko dira. Beraz, oso kontuan hartuko dituzte gizarte-garapena, hiri-iraunkortasuna eta udalaren baliabide mugatuak, eta zerbitzu-zorroa finantza-koordinatu horien arabera doitu eta moldatuko dute, udal-finantzak ez estutzeko eta hurrengo belaunaldiei finantza-betekizunik ez uzteko.

- Udal gobernuaren jarduera kontrolatzea eta politika publikoen kudeaketaren helburu eta emaitzen jarraipena egitea. Oposizioaren zeregin instituzional nagusietako bat da gobernu-jarduera kontrolatzea eta hurrengo hauteskunde-prozesuetarako aukera sinesgarri izatea. Alde horretatik, gobernu-taldean ez dauden talde politikoetako kideek udal-politikaren segimendu eraginkorra egingo dute, eta behar den denbora hartuko dute zeregin horietan aritzeko eta gobernu-taldeak udal-politika publikoetan duen jardueraren helburu eta emaitzak kontrolatzeko.

- Arazoak konpontzen eta gatazkak ebazten laguntzea. Gobernu-taldearekin batera, Audioko gatazka eta arazo guztiei zentzuzko konponbideak aurkitzen laguntzea. Arazo eta gatazka horien kudeaketaren erantzule nagusia, noski, gobernu-taldea da, baina oposizio politikoak kostu publikoak gutxitzen dituzten eta, aldi berean, egoera bakoitzean planteatutako interes publiko eta pribatuei zentzuz erantzuten dieten konponbideak bilatuko dituzte; arlo honetan, talde politikoek bitartekaritza- eta kontrol-lanak egin behar dituzte.

- Arduraz negoziatzea. Gobernu taldean ez dauden talde politikoetako kideek konpromisoa hartu dute kolektiboekin, gainerako talde politikoekin eta erakundeekin negoziatzen dutenean, interes kolektiboen, gizarte- eta herri-jasangarritasunaren eta udal-finantza publikoen alde egiteko; izan ere, hurrengo belaunaldiei hipotekak ezartzea edo udalerrria neurrigabe zorpetzea ez da arduratsua. Negoziazio-prozesuetan arduraz jokatu dute eta zehatz-mehatz azalduko dituzte haien jarrera justifikatzen duten arrazoiak, herritarrek zer arrazoi dituzten jakin dezaten eta, hala badagokie, baloratu ditzaten.

- Modu arduratsuan parte hartzea udal aurrekontuak egiteko prozesuan. Baliabide urriei dagokienez lehenetasunak ezartzea. Udal-aurrekontuak egiten arduraz parte hartzea, gaiak adostuz eta helburu errealistak jarritz, eraginkortasun-irizpideen arabera eta udalerrriak zer baliabide dituen kontuan hartuta. Aurrekontu-arloan, oposizio politikoaren helburuak izango dira Laudio udalerriko finantzak iraunkorrak izatea, udalaren etorkizuneko jarduera ez hipotekatzea eta herritarrei zerga-zigorrik ez jartzea. Aurrekontu-arloan, oposizio politikoaren helburuak izango dira Laudio udalerriko finantzak iraunkorrak izatea, udalaren etorkizuneko jarduera ez hipotekatzea eta herritarrei zerga-zigorrik ez jartzea.

- Gobernu Irekia eta udalaren gardentasuna sustatzen laguntzea. Gobernu-taldeko kideek konpromisoa hartu dute Gardentasunaren eta Gobernu Irekiaren politika garatzeko lankidetzak aktiboan jarduteko. Sare horietan, informazioa trukatzuz eta sinergiak sortuz, tokiko gobernua garatzea bultzatuko dute, konponbideak partekatuko dituzte eta zerbitzuen prestazioan kostuak gutxituko dituzte. Dagozkien eskumen-arloetan, tokiko gobernantza adimentsua eta herritarrek parte hartzeko tresnak sustatuko dituzte, herritarrek erakundeengan duten konfiantza indartzeko.

#### NORBANAKOEN ATXIKIMENDUA

Dokumentuarekiko atxikimendua berariazkoa, banakakoa eta borondatezkoa izango da Laudio Udaleko ordezkari politikoentzat.

- Atxikimendua dokumentuari erantsitako atxikimendu-adierazpenaren bitartez formalizatuko da.

- Horretarako sinatzen diren dokumentuak Udal Idazkaritzan geldituko dira gordeta, ez da beharrezkoa udalaren osoko Bilkuratik pasatzea.

- Kodearekiko banako atxikimendua formalizatzeak inplikatu egiten du Kodean jasotako edukiaren, asmoaren eta muinaren arabera jokatu beharko dute beti, uneoro Kodean jasotako jokabideen arabera.

#### KODEA HEDATZEA

Kode honen hedapena Laudio Udalaren berezko eta ohiko hedabideak erabilia egingo da (idatzizko argitalpenak, erabilera eskuliburuak, bideoak edo azalpen-eskuorriak, udal webgunea, udalaren egoitza elektronikoa, etab.). Informazio-kanpaina espezifikoa ere egin ahalko dira, baita Kodearen jasotzaile diren pertsonentzako, gainerako langile publikoentzako nahiz, oro har, herritar guztientzako prestakuntza programak.

#### LAUDIO UDALEKO ETIKA ETA GOBERNU ONAREN BATZORDEA

Sortu egin da Laudio Udaleko Etika eta Gobernu Onaren Batzordea. Hauek izango dira batzordekideak:

- Alkate-udalburua, presidente lanetan.
- Giza Baliabideen Antolakuntzan eta Kudeaketan eskumena duen zinegotzia.
- Giza Baliabideen Antolamendu eta Kudeaketa gaien eskumena duen Arloko zuzendaria edo burua, idazkari lanetan ibiltzeko.
- Udal idazkaria.

- Gobernu-taldeko beste zinegotzi bat, alkate-udalburuak edo izendatua.
- Udalean ordezkaritza duen talde politiko bakoitzeko zinegotzi bat, Gobernu Taldeko kide ez dena.

Hauek izango dira batzordearen funtzioak:

- Kode honetan ezarritako aurreikuspenei buruzko oharrak, kontsultak eta iradokizunak ez ezik, aurreikuspenak moldatzeko proposamenak ere jasotzea.
- Kodearen hartzaileek eta beste edozein instantziak Jokabide eta Gobernu Onaren Kodearen aplikazioari buruz egindako kontsultak erantzutea.
- Kodean jasotako balio, printzipio eta jokabideak ez betetzeagatik aurkezten diren kexak eta salaketak jasotzea eta dagozkien izapideak bideratzea.
- Kodea zenbateraino betetzen den jakiteko, urtero ikuskapen-txosten bat egitea. Dokumentu horretan aholkuak eman daitezke. Txostenaren ondorio eta aholkuak publikoak izango dira.
- Kode honen edukia zabaltzeko eta sustatzeko tresnak definituko ditu.

Etika eta Gobernu Onaren Batzordea urtean bitan bilduko da, gutxienez; horretarako, batzordeburuak agindua eman eta Idazkaritzako titularrak deialdia egingo du.

Hala ere, behar adina bilera egin ditzakete, jorratu beharreko gaien izaeraren eta premiaren arabera.

Etika eta Gobernu Onaren Batzordeko kideek dagozkien zereginak betetzerakoan jasotako informazio guztia isilpean gordeko dute; bereziki, aztertutako gertakariak, egindako ikerketa eta deliberazioen eta hartutako erabakien edukia, baita datu pertsonalak ere.

Etika eta Gobernu Onaren Batzordearen erabaki eta txostenak publikoak izango dira, konfidentzialtasunaren betebeharra hausten ez den neurrian. Batzordeko kideek dagozkien zereginak betetzerakoan jasotako informazio guztia isilean gordeko dute; bereziki, aztertutako gertakariak eta egindako ikerketa eta deliberazioen edukia. Horrek ez du esan nahi boto partikularrik adierazi ezin denik.

## I. ERANSKINA

### ATXIKIPEN-ADIERAZPENA: LAUDIOKO UDALAREN JOKABIDEARI, GOBERNU ONARI ETA KALITATE INSTITUZIONALAREKIKO KONPROMISOARI BURUZKO KODEA

Behean izenpetu duenak jarraian ageri diren adierazpenak egin ditu, Jokabideari, Gobernu Onari eta Kalitate Institutuzionalarekiko Konpromisoari buruzko Kodearen edukiari jarraikiz:

- 1.- Dokumentu honen goiburuan aipatutako Kodearen ale bat duela.
- 2.- Kodea irakurri duela, haren eduki osoari atxiki zaiola eta Kodean zehaztutako printzipio eta betekizun guztiak betetzeko konpromisoa hartu duela.
- 3.- Onartu egiten duela Kodea ezagutzera emateko eta Kodea aplikatzea errazteko konpromisoa, baita Kodeari atxikitzeak dakartzan betekizun guztiak betetzeko konpromisoa ere.

Eta jasoa gera dadin eta dagozkion ondoreak izan ditzan, hau izenpetu dut, Laudion

Data:

## II. ERANSKINA

### KONTSULTAK ETA SALAKETAK AURKEZTEKO MODUAK

Ondoren aipatzen diren bideak erabili ahalko dira kontsultak eta salaketak aurkezteko. Harremanetarako datuak eman ahalko dira komunikazioan. Hala ere, modu anonimoan ere aurkez daiteke.

- Posta elektronikoa: [gobernuona@audio.eus](mailto:gobernuona@audio.eus)

- Posta arrunta:

Idazkaritza Nagusia – Audio Udala

Herriko Plaza

01400 Audio (Araba)

- Erregistroa: Udal erregistroaren bidez, Herritarren Arretarako Zerbitzuan nahiz 39/2015 Legean, Administrazio Publikoen Prozedura Erkideari buruzkoan aurreikusiak dauden gainerako lekuetan.